



**EMAKUMEENGANAKO INDARKERIAREN AURKAKO NAZIOARTEKO
EGUNA. DEKLARAZIO INSTITUZIONALA. PROPOSAMENA**

**AZAROAREN 25eko ADIERAZPEN INSTITUZIONALA
AIARAKO KUADRILLA**

**“EMAKUMEENGANAKO INDARKERIAREN AURKAKO NAZIOARTEKO
EGUNA”**

Beginada berria emakumeen aurkako indarkeriari

Azaroaren 25a dela eta, emakumeen aurkako indarkeria desagerrarazteko Nazioarteko Eguna, berriz azpimarratzen dugu indarkeria mota honen izaera estrukturala eta gure konpromisoa agertzen dugu emakumeen aurkako indarkeriatik libre egongo den gizarte baten alde. Era berean, nazioarteko zuzenbide-esparruarekin bat, berresten dugu badagoela loturarik genero-arrazoiek eragindako bazterkeriaren eta emakumeen aurkako indarkeriaren artean. Emakumeen aurkako indarkeriak eragindako biktimei eta hartatik bizirik irtendakoei laguntza-zerbitzua bermatzea ez ezik, beharrezkoa ere bada esku-hartzearen plano guztietan jarduketak planteatzea: **Prebentzioa, Detekzioa, Arreta, Babesa, Koordinazioa, Justizia, eta Erreparazioa ere bai.**

Emakumeen aurkako indarkeriatik libre egongo den berdintasunezko gizarte bat eraikitzeko dugun konpromisoa oinarritzat hartuz, dagokigun erronka da **erreparazio-eskubidea** emakumeen aurkako indarkeriari emandako erantzunean sartzeko. Horretarako, eskura izan behar ditugu indarkeriaren eta berorren adierazpide guztien inpaktuak ikusarazten lagunduko duten baliabideak, deslegitimazio soziala xede harturik. Beharrezkoa da **ahotsa eta protagonismoa ematea**, bai indarkeria matxistaren biktimei, emakume zein seme-alaba, bai berorien elkargune diren elkarteei, erreparazio-bideak proposatzeko duten zilegitasuna aitortze aldera.

Erreparazio honen helburua indarkeriaren biktimak eta hartatik bizirik irtendakoak guztiz osatzea izan behar da. Hortaz, barne hartu behar du inplikaturiko zerbitzu eta sistema guztiak hobetzea, nola-eta horiek guztiak **sistematikoki aztertuz.**

Beraz, emakumeenganako Indarkeriaren aurkako Nazioarteko Egun honetan, Aiarako Kuadrillak honakoa adierazi nahi du:

- Gure konpromisoa **agenda politikoan** indarkeriak eragindako emakume biktimekiko **erreparazio-eskubidearen** aitortza eta horri buruzko hausnarketa sartzeko, guztiz osatu daitezten eta indarkeriarik gabeko bizitza-eskubidea gauzatu ahal dezaten.
- Gure konpromisoa **udaletan plan eta neurri estrukturalak hedatzen eta hobetzen jarraitzeko** edo **abian jartzeko**, indarkeria matxistari aurre egitea xede, **emakumeen kolektiboekin eta kolektibo feministekin** batera, bai halaber **gizarte zibilarrekin eta herritarrekin** oro har. Hala, 2018an, Aiarako Kuadrillan Indarkeria matxistaren aurkako Plan Integrala gauzatuko da, Kuadrillan egindako diagnostikoari jarraipena emateko.



- Gure konpromisoa **gizartean aldaketa estrukturala bultzatzeko**, hartara herri-erakundeak, komunikabideak, lan-, kultura-, gizarte- eta ekonomia-esparruko eragileak zein gizarte osoarenak inplikatu daitezten.
- Eta gure ardura, indar politiko guztien eta erakundeen adostasunaren bitartez, **beharrezkoak diren baliabideak** eskura izan daitezten, xedea izanik emakumeen aurkako indarkeria gure gizartetik desagerrarazten aurrera egitea.
- Gure konpromisoa **LAIA Eskolaren** alde egiteko, Berdintasunerako eta Emakumeen Jabekuntzarako Arabako Eskolaren alde, tresna egokia delako indarkeria matxistari aurre egiteko, kontzientziazio, prestakuntza eta koordinazio estrategien bitartez.
- Gure konpromisoa indarkeria matxistaren aurka gaudela bistartzeko. Horretarako, Kuadrillaren weborrialdean, indarkeria matxistaren aurkako sinboloak jarriko ditugu eta Kuadrillako egoitzan ere puntu lila jarriko da.

Azkenik, herritarrak gonbidatu nahi ditugu Aiaraldean antolatutako ekintzetan parte hartzera, hain zuzen ere, indarkeria matxistaren kontra eta berdintasunaren aldeko ekintzetan.

Arrespalditzan, 2017ko azaroaren 14an

AIARAKO KUADRILLAKO BERDINTASUN BATZORDEA
Aho batez onartua